

voluntatem credamus, ita, ut voluntas tale opus non voluisset, nisi intellectus illi bonum esse persuasisset. In his ergo vehementissima hæresis suspicio ex opere exteriori facti iuste oriri potest, ita ut qui talia facit, merito præsumatur credere hoc bonum esse, quod facit. Nam Aristoteles Ethicorum tertio ait: *Qualis est unusquisque, talia dicit, & operatur.* Deinde additum est in definitione hæresis, quod oportet talem propositionem falsam esse fidei Catholice repugnantem, ut hæresis dici possit. Nam multæ sunt propositiones falsæ, quæ nullo modo hæreses dici merentur: quia nullo modo fidem oppugnant. Sicut enim non omnis veritas ad fidem pertinet: ita nec omnis falsitas aut error hæresis dici meretur. Potest enim quis multis propositionibus falsis cum errore, & sine peccato assentire. Hæresi autem sine peccato, & quidem gravi, nullus obstinato animo adherere potest. Non ergo omnis assertio falsa, aut omnis error est hæresis dicendus. Hæc omnia testimonio Augustini probantur, qui in Enchiridio ad Laurentium cap. 21. Postquam dixerat nullum esse peccatum in quibusdam rebus errare, hæc, quæ sequuntur, subjungit. „ Postremo quaecumque illud, & quantumcumque sit, ad illam viam non pertinet, qua inus ad Deum, quæ via fides est Christi, quæ per dilectionem operatur.“ Neque enim ab hac via deviat in geminis filiis gratus ille parentibus error, aut ab hac via deviat Apostolus Petrus, (*Act. 12.*) quando se existimas visum videre: aliud pro alio sic putabat, ut à corporum imaginibus, in quibus se esse arbitrabatur, vera in quibus erat corpora, non dignosceret: nisi cum ab illo Angelus, per quem fuerat liberatus, abscessit. Aut ab hac via deviat Jacob Patriarcha, quando viventem filium à bestia credebat occisum. (*Gen. 37.*) In his, atque hujusmodi falsitatibus, salva fide, quæ in nobis est, fallimur: & via non relicta, quæ ad illum nos ducit, erramus. Qui errores etiam si peccata non sunt, tamen in malis hujus vitæ deperandi sunt, quæ ita subjecta est vanitati, ut approbentur hic falsa pro veris, respiciuntur vera pro falsis, teneantur incerta pro certis. Quamvis enim hæc ab ea fide absint, per quam ad veram, certamque, atque æternam beatitudinem tendimus, ab ea tamen miseria non absint, in qua adhuc sumus. Nullo modo quippe falleremur in aliquo, vel animi, vel corporis sensu, si jam vera illa atque perfecta felicitate fruieremur. Hactenus Augustinus. Ex his satis clare patet non omnem assertionem falsam esse hæresim dicendam. Si tamen illa fidei Catholice repugnaverit, nos omnem talem dicimus esse de hæresi notandum. Scio tamen aliquos, qui plura esse necessaria dicunt, ut assertio aliqua hæresis dici mereatur. Sunt enim aliqui docentes omnia illa ad hæresim requiri, quæ requiruntur ad hominem hæreticum efficiendum. Et certe qui hæc asserunt, tota errant via. Quoniam unum ab altero facillime separatur. Possibile est enim, ut aliquis propositionem hæreticam asserat, qui tamen non sit hæreticus dicendus. Hoc ita esse, manifeste apparet in illo, qui non obstinato animo talem propositionem asseruerit, & in illo, qui asserit, quod ignorat, præsertim si illud scire non tenebat. Hunc enim ignorantia excusabit, ut hæreticus non dicatur. Propositio autem ab illo assera, non video qua via possit ab hæresi nota liberari: si illam fidei Catholice repugnare confiterit. Nam quod aliqui dicunt nullam assertionem esse de hæresi notandam, nisi illa sit contra propositionem Catholicam, quam omnes fideles scire tenentur, ridiculum videtur, & audaci temeritate dictum, quo-

tho-

tholica merito dici possit. Et propter hanc causam, à multis doctis vitis erratum est in hac parte: quia hoc considerare neglexerunt. Nam quæ pertinent ad hæresim, & quæ hæretico conveniunt, simul in unum confuderunt, tamquam eadem esset utriusque definitio, & eadem habenda esset de utraque de disputatio. Nos tamen rem (ut decebat) magis scrutantes, & investigantes, cum res esse profus diverfas cognoverimus, diversas de illis disputationes dæimus. Nunc de hæresi diximus, postea autem de hæretico tractabimus: ut quis tali nomine appellandus sit, ostendamus. Ut igitur ea, quæ de hæresi diximus, in compendium colligamus: Dicimus hæresim esse propositionem falsam, fidei Catholice repugnantem.

CAPUT II.

De malitia hæreses quanta sit.

Quanta sit hæreses malitia, ex eo facile quisque intelligere potest: si consideret quanta sit fidei bonitas & virtus. Rectum enim (ut ait Aristoteles) est iudex sui, & obliqui. Fidei autem virtus tanta est, ut sine ipsa, nil Deo gratum esse possit: nec sine ipsa aliquid à nobis vere bonum effici possit. Quoniam illa est, quæ cæteris virtutibus viam parat, & non ob aliam, ad quem suos actus dirigant, ostendit. Sicut enim inrer cæteras virtutes, quæ usitato & jam recepto vocabulo Cardinales dicuntur, prudentia prima: quia reliquas dirigit, & viam, qua incidere debent, ostendit: Sic etiam inter illas, quæ theologales appellantur, fides est prima: quia reliquas, quid agere debeant, docet. Nemo sine fide, quid sperare, aut quid diligere debeat, agnoscit. Fide desitutus, Deum numquam (ut decet) amabit. Quia numquam illum remuneratorem, aut vere bonum, intelligit. *Credere oportet accedentem ad Deum* (ait Paulus *Heb. 11.*) quia est: & quod inquirentibus se remunerator sit. Fides est, quæ nobis præmium nostrorum laborum ostendit, & per hoc vires nobis ad laborandum ministrat, & in ipsis laboribus constantes reddit. Hæc est, quæ nos temporalia omnia contemneret, & Deum, plus quam omnia creata, diligere, admonet. Nam qui veram de Deo fidem habet, non cupit, in miseris hujus sæculi, dives fieri. Quoniam dum æterna considerat, temporalia sibi vilescunt. Et ideo Paulus, (*Philip. 3.*) omnia hujus mundi arbitratus est, sterora: ut Christum lucrifaceret. Per hanc, Moyses virtus, delicias, & divitias contempsit. Nam (ut de illo refert Paulus *Heb. 11.*) Fide grandis factus, negavit se esse filium filie Pharaonis, magis eligens affligi cum populo Dei, quam temporalis peccati habere jucunditatem: majores divitias æstimans Thefauro Ægyptiorum improperium Christi. Aspiciebat enim in remunerationem. Cum negavit se esse filium filie Pharaonis, regiam dignitatem contempsit, ac proinde honores hujus sæculi se vilipendere declaravit. Eligens affligi cum populo Dei, qui in luto & latere serviebat, magis quam temporalis peccati habere jucunditatem: aperte ostendit nobis, quantum hujus mundi delicias æstimaverit. Cum vero improperium Christi, hoc est, injurias, vel pro Christo, vel ad Christi similitudinem patienter toleratas, majores æstimavit Thefauro Ægyptiorum: satis aperte declaravit, quid de hujus sæculi divitiis sentit. Causam autem, à qua hic omnium rerum temporalium contemptus processerit, Paulus expressit, dicens. Aspiciebat enim in remunerationem. Nam iudicio elegit esse pauper, & de-

Tom. II.

pectus: Quia credidit alia multo majora bona in posterum manere, quæ forent per pauperatam, & contumelias adipiscenda. Fides est, quæ nos Dei filios efficit. Sicut Paulus ad Galatas 3. scribens, ait: *Omnes filii Dei estis per fidem, quæ est in Christo Jesu.* Hæc est vita justorum. Quoniam ex fide (ut Abacuc Propheta testatur 2.) *justus vivit.* Hæc est denique Basis & fundamentum totius Christianæ structuræ, cui, quicquid ad veram pietatem & Religionem spectat, innicitur. Hæc siquidem est illa firmissima petra, supra quam Deus fundavit Ecclesiam suam, (*Matth. 16.*) supra quam nos omnes fundari præcepit Paulus: (*Coloss. 1.*) *ut stabiles & immobiles simus a spe Evangelii, quod audivimus.* Hinc jam (ut opinor) aperte convincitur hæresim, pessimum esse vitium. Quoniam hæc fidem destruit, quæ fundamentum est totius Religionis, sine qua, nihil sunt reliqua omnia profutura. Ubi enim fundamentum deest, nihil super ædificari potest: Et, si quid superædificatum fuerit, necesse est, ut corruat. Fide sublata, omni vitio quantumlibet pravo & magno, porta latissima aperitur. Sicut enim fides cæteris virtutibus, ita è contrario hæresis omnibus vitiiis viam parat, & aperit. Hinc fideles Catholici de hæreticorum vexationibus conqueruntur, apud Job 30. dicentes. *Quasi rupto muro, & aperta janua, intraverunt super me.* Quæ verba Beatus Gregorius interpretans, ait: „ Quasi murus rumpitur, cum pravorum persuasione fides, quæ de redemptore nostro est in quorundam corde, dissipatur. Cumque perveris in hac vita potestas tribuitur, quid aliud quam janua erroris aperitur? Quasi rupto ergo muro & aperta janua, super bonos irruunt mali: cum accepta temporaliter potestate, perversi ipsa quoque in quorundam corde destruere munimina fidei conantur.“ Hæc Gregorius. Ob hanc causam de hæreses malitia mystice Salomon in Proverb. 9. loquens, dixit: *Mulier stulta, & clamosa, plenaque illecebris, & nihil omnino sciens, sedet in foribus domus suæ super sellam, in excessu urbis loco.* Hæc enim verba Beatus Hieronymus de hæresi, intelligenda esse censet, ita inquiens: „ Mulier hæc hæresis est, contraria nimirum sapientie, quæ sua superius sacramenta cecinit: stulta scilicet per fatuum intellectum, & clamorosa per garrulitatem, plenaque illecebris vitiorum: & nihil omnino sciens, sicut ait Apostolus: (*Galat. 6.*) *Qui se existimat esse aliquid, cum nihil sit, ipse se seducit.* Sedet autem & ipsa in foribus domus suæ, id est, in doctoribus salutaribus, qui in penetrabilia perfidia miseris fallendo perducunt. Hactenus Hieronymus.

Admonere tamen hic decrevi lectorem; ne ex his dictis meis, occasionem suspicionis accipiat me sentire, omnia infidelium opera esse peccata, prout Gregorius Armenensis docet: quoniam ab illius opinione, & sententia ego manibus (ut dicitur) & pedibus recedo. Fateor quidem sine fide nullum opus esse meritorium, & vita æterna dignum: non tamen ideo consequens est, ut omne tale sit peccatum: quoniam hæc duo, videlicet peccatum, & meritum, non tam proxime dividuntur, aut ab invicem separantur, ut qui ab uno recedit, statim ad alterum transeat. Est enim inter illa medium aliquod, quod ab utroque extremorum separatur: ita ut aliquid sit opus humanum, hoc est, per considerationem intellectus, & voluntatis libertatem factum: quod nec est præmio dignum, nec pœna. Verum & si non omnia infidelium opera sint peccata dicenda, infidelitas tamen portam aperit latissimam, ad omnia vitia introducenda. Un-

C

de

4 bus illos ad fidem, quam in baptismo susceperunt, tuendam cogunt, tyrannos vocant. Qui ita sentiunt, si aliquis in hac parte permittitur conjecturis, aut suspitionibus locus, non aliorum, sed suam causam mihi rueri videntur. Nam ideo illos ita docere suspicor, ut impunitate hæresibus concessa, liberius quas voluerint, possint hæreses, aut verbo prædicare, aut scripto docere. Optant quidem illi eas, quas contra Ecclesiæ Catholicæ fidem mente conceperunt sententias, in publicum effundere: sed metu pœnæ coerciti mutire non audent. Et ob hanc causam male illos habet hæreticorum punitio, quæ illorum effrenatam compescit dicendi, scribendique libidinem. Hæreticos igitur ideo impunitos esse reliquendos aliqui contendunt, & ut, vel hac via sibi ipsi impunitatem acquirant, qua adepti, libere possint, quicquid libuerit docere. Harum duarum tam diversarum, secumque pugnantium sententiarum: altera propter acerbissimam illius austeritatem: altera ob nimiam remissionem, pernitiosamque indulgentiam deserenda mihi videtur. Inter has igitur mediam in hoc opere docere statui, quæ ab utraque longe discedat, neque ad dexteram, neque ad sinistram declinans. Potissimum tamen hujus nostri operis scopus est: contra eos, qui hæreticorum impunitatem docent, pro Catholica Ecclesia, (veluti filius pro matris honore) pugnare, causamque illius pinguiori, qua ponero Minerva agere, ut ostendam nihil illam injustum, nihilque, quod veram matrem dedecet, statuisse. De qua re nullus unquam (quod sciam) ante me disseruit. Nam & si adversus eos, qui hæreticorum impunitatem docent, multi Theologi Catholici, & docti hoc nostro sæculo scripserunt, qui hæreticorum punitorem multis, evidentissimisque rationibus justissimam esse persuaserunt, quod tamen justæ sint omnes illæ pœnæ, quæ jure canonico & civili adversus hæreticos decretæ sunt: nullus eorum, quos hæcenus videre licuit, probavit: nec de illa re ullus unquam illorum disseruit. Quæ res certe non erat prætereunda, præsertim quum multi sint hoc nostro sæculo, qui illas injustas esse pertinacissime contendunt. Scio perosque juris peritos de hujusmodi pœnis satis superque differuisse, nullus tamen eorum, quos noverim, vel aliquam suæ disputationis partem ad hunc scopum direxit, ut omnes illas pœnas justè hæreticis irrogatas esse probaret. Suspico hæc occasione ab illis omnibus hanc disputationem fuisse omissam, quod impium illi autumant, de legum bonitate, & justitia disputare, quas omnes sanctas esse censent, & perinde ac divina oracula venerandas. Sint licet illæ sanctissimæ, non desunt tamen, qui nigrum illis præfigere thia non verentur. Harum igitur legum: quæ hæreticis pœnas aliquas decernunt, tutelam ab omnibus desertam ego

A hac intentione in præsentiarum suscipio, ut illas omnes justissime infictas esse non solum pro vitibus tuear: sed aliis etiam ut in eandem transeant sententiam urgentissimè (Deo favente) persuadeam. Ut autem rem hanc pie, & plene absolvere possim, tribus libris opus hoc parti decravi, quibus quicquid ad hanc rem spectat, comprehendere posse sum arbitrat. Primo libro de ipsis hæreticis disseram, & ostendam, qui sunt illi, & quomodo sint de suis hæresibus legitime admonendi, ut si forte suo agnito errore ad viam voluerint veritatis redire, doceamus, qua benignitate, & misericordia sint ab Ecclesia recipiendi. Altero mox libro de illis hæreticis, qui suas tam mordicus hæreses tenent, ut ab illis nequaquam avelli possint, pertractabo: & pœnas, quæ sunt illis à jure decretæ, sigillatim recensere, quibus ad amussim declaratis, eas omnes justissime infictas esse multis evidentissimisque rationibus (Deo adjutore) convincam. Tertio denique libro vias aliquas ostendam, quibus mea sententia obviari potest hæresibus, ne ulli deinceps inter Christianos oriantur hæretici, quos Ecclesiæ præfules, & mundi Principes circa remissionem, & ignavia notam, non possint relinquere impunitos. Ante omnia tamen Theologos, & jurisperitos, quibus omnibus opus hoc profuturum spero, exoratos esse vellem, ut si illorum alteruter in hoc opere legens aliquando circa notissima suæ facultatis principia amplioem forte, quam ille vellet, sermonem me fecisse viderit, non ideo succenseat mihi, aut opus hoc contemnat: sed illa non sibi, sed alterius facultatis hominibus me scripsisse intelligat. Sunt enim aliqua jurisperitis notissima, circa quæ parum versantur Theologi. Sunt rursus alia Theologis apertissima, etiam ex his, quæ ad hæreticos spectant, quæ non sunt ita jurisperitis manifesta. De quibus omnibus, cum sim in hoc opere disputaturus, ne forte in eam, quam aliis parare intendo, incidam foveam, illud imprimis testor me nolle quicquam adversus Catholicæ Ecclesiæ doctrinam sentire: sed ejusdem Ecclesiæ judicio, & censuræ opus hoc, & me ipsum totum subijcio. Quod si forte, prout sunt intellectus humani fallaces, ab illa sententia, quam Catholica docet, & tenet Ecclesia aliquando in hoc opere me deviare contigerit, ut id non ex industria, sed per ignorantiam, aut negligentiam me dixisse arbitrentur, omnes exoro. Et illud ex nunc pro recantato haberi peto: quoniam in verba Ecclesiæ Catholicæ juravi, & in obsequium Christi illius sponsi, qui illum jugiter docet, intellectum meum jam dudum in captivitate redegi. Ob quam causam omnibus Ecclesiæ Catholicæ definitionibus, veluti divinis Oraculis, fateor me esse obedire paratum.

RE-

REVERENDISSIMI P. F. ALFONSI DE CASTRO, ZAMOREN. ORDINIS MINORUM, DE JUSTA HÆRETICORUM PUNITIONE. LIBER PRIMUS.

CAPUT PRIMUM.

Quid sit hæresis.

Hæreticorum punitio tractaturus, ab hæretici definitione exordiri debuissim, ut inde omnibus pateret, quid sit id, de quo præsentem suscipimus disputationem. Verum quia omnes, qui vocis etymologiam, vel mediocriter agnoscunt, optime norunt hanc vocem, hæreticus ab hæresi deduci: ideo præsentem disputationem longius petendam esse censui, ut ab hæresis definitione illam auspicarer: & inde ad Hæretici definitionem manifestandam facilius proficerer. De hac re & si in opere illo, quod adversus omnes hæreses ædidi abundè per tractaverim, nunc tamen suffus, & exactius dicere statui, propterea quod quæ nunc agimus, eo tendunt, ut his, qui de hæreticis judicare, & illos punire habent, notum esse possit, quali nota omnes circa fidem errantes inurere debeant. Quæ omnia scire hujusmodi iudicibus est valde necessarium, ob id solum, quod non omnes errores etiam si illi de rebus fidei tractent, sunt æqua lance pensandi. Prius igitur nudam nominis significationem explicemus, & inde veram hæresis definitionem melius investigare poterimus.

A sua summa deducit hanc vocem hæresis ab ercificor, quod prisco vocabulo significat dividere. Sed ista multo magis ridenda est etymologia, quam præcedens, quod facile intellexisset, si considerasset, quod hujus vocis hæresis prima sylaba scribitur per diphthongum, æ, & cum aspiratione. At hæc vox, ercificor, nec diphthongum habet in principio, nec aspirationem. Abbas in capite firmissime de hæreticis, triplicem assignat derivationem hujus vocis hæresis. Dicit enim eam deduci ab hoc verbo adhæreo, vel ab hoc verbo ercificor, vel ab hoc verbo erro. Non quidem miror, quod hæc ignorent, quæ suæ professionis non erant: sed miror quod quæ ignorabant, non sunt veritii tanta cum auctoritate docere. Justum quidem fuisset, ut de hac re, quam prorsus ignorabant, viros doctos consulissent, à quibus edocti potuissent postea sine rubore alios docere. His igitur, & aliis ejusdem farinae hujus vocis etymologiis rejectis, dicimus hæresim Græcè idem esse, quod electionem Latine. Nam hæresis ab *airoymai* verbo Græco deducitur, quod Latine usum sonat idem quod eligo. Et ob hanc causam Philosophorum sententiæ, aut opinionis hæreses quandoque dicuntur: quia eam, quæ sibi magis placebat, illorum quisque eligebat sententiam. Sic enim Cicero in paradoxis ait. Caro in ea est hæresi, quæ nullum sequitur orationis florem. Hæresim dixit pro electione, quia talem dicendi styli sibi elegerat Caro, qui nullum prorsus orationis florem haberet. Quia igitur hæresis electio est, fit, ut Christianorum fides nunquam hæresis vere dici possit. Hæc enim non ex hominis arbitrio pendet, neque ingenio humano inventa est: Sed Deo inspirante & revelante est humano

Populares possunt ad arbitrium suum dominos delinquentes corrigere.

Omnes sunt symoniaci, qui se obligant orare pro aliis, in temporalibus subsistentibus. Oratio privati hominis nulli prodest. Anima rationalis non est vere, & per se forma corporis humani.

Epistola ad Hæbreos non est Pauli. Epistola prima ex septem canonicis non est Jacobi. Omnes istæ propositiones sunt hæreticæ, illarum tamen error vix aliunde possit demonstrari, quam ex conciliorum auctoritate, quatuor primæ damnata sunt in Concilio Constantiensi, sensione octava. Quinta damnata, est in Concilio Viennensi, sub Clemente hujus nominis quinto Summo Pontifice, cujus decretum habetur in Clementina de summa Trinitate, & fide Catholica. Duæ ultimæ per multa concilia damnata sunt.

Tertia via, per quam possumus assertionem aliquam de hæresi convincere, est universalis Ecclesiæ consensus, sine alicujus scripturæ sacræ testimonio, & sine alicujus generalis Concilii definitione. Multa enim sunt, quæ & si in scriptura sacra non continentur: quia tamen antiquissima Ecclesiæ consuetudine servata sunt, vim habent non parvam ad hæreses confutandas: Quoniam credi par est, illa ab ipso Christo Salvatore nostro fuisse derivata: & inde ex ore in os ad nostra sæcula pervenisse. Nam idem de Archippo, & Lyside Pythagoricis Philosophis ferunt, qui Thebis in Græcia scholas habentes, Pythagorica dogmata solo verbo tradebant, quæ discipuli memoriter retinentes, ingenio, & memoria pro libris utebantur. Christus nihil scripsisse, quod permanferit legitimus: sed solo verbo docuisse, cujus verba, & præcepta non omnia Evangelistæ scripserunt: sed eorum aliqua memoriter conservata sunt, & ex ore in os transfusa ad nos pervenerunt. Quæ autem sic servata sunt, firmissimam habent veritatis certitudinem: perinde ac si per scripturam fuissent traditæ. Nam sicut Deus, Spiritu suo divino adflavit Evangelistas, aut alios sacros scriptores, cum aliquid scripserunt: ita adflavit Ecclesiam eodem Spiritu, cum aliquid illa nobis loquitur. Christus siquidem Apostolus suis ait: (Matth. 10.) Non estis vos, qui loquimini: sed Spiritus patris vestri, qui loquitur in vobis.

Non est enim credendum, Deum Ecclesiam suam destituisse jam Spiritu suo, ut jam per os illius loqui dedignetur, prout ante faciebat: præsertim cum ipse dicat: (Matth. 28.) Ego vobiscum sum usque ad consummationem sæculi. Sicut ergo credimus scripturæ divinæ per manus Apostolorum, & Evangelistarum scriptæ: ita etiam credere tenemur voci divinæ, per os Ecclesiæ prolatae. Nam sicut non omnia, quæ Christus fecit (ut Joannes Evangelista cap. 20. testatur) scripta sunt; ita neque omnia, quæ dixit. Istorum autem sive factorum, sive dictorum Christi, quæ scripta non sunt, multa credendum est Apostolos aliis verbo narrasse, atque ita ex ore in os, & ex pectore in pectus transfusa ad nos usque pervenisse, sine alio quovis scripturæ testimonio. Talia sunt ferme omnia, quæ ad ritum sacramentorum exercendorum Catholica servat Ecclesia: qui ritus, quamvis in facta scriptura non sint expressi, illos tamen rejicere non licet: quoniam aut omnes illi, aut major illorum pars ab ipso Christo, illorum institutore, processit, & ex ore in os prædians, ad nos usque pervenit. Quo fit, ut si quid contra hæc, quæ usque ad hæc tempora sic servavit, & docuit Ecclesia, aliquid doceatur, illud sit me-

rito hæreticum censendum. Unde Origenes, Homilia quinta super librum Numerorum, ait: „In Ecclesiasticis, eis observationibus, sunt nonnulla, quæ omnibus quibus patet. Nam quod (verbi gratia) genua flectimus, orantes, & quod ex omnibus cœli plagis, ad solam Orientis partem converfi orationem fundimus, non facile puto cuiquam ratione compertum. Sed & Eucharistiæ, sive percipiendæ, sive eorum, quo geritur explicandæ, vel eorum, quæ geruntur in baptismo verborum, gestorumque, & ordinum, atque interrogationum, ac responsonum, quis facile explicet rationem? Et tamen omnia hæc aperta, & velata portamus super humeros nostros: quum ita implemus ea, & exequimur, ut à magno Pontifice, & eius filiis tradita commendata, suscepimus.“ Hactenus Origenes. Præterea ille verborum contextus, & ordo, quo Catholica utitur Ecclesia in consecratione corporis, & sanguinis Christi, apud nullum Evangelistarum plene reperitur: nephas tamen esset credere aliis verbis Sacramentum illud esse conficiendum, quam quibus nunc conficit Ecclesia. Quoniam talia verba, quibus nunc utitur Ecclesia, ab ipso Christo (ut credimus) processerunt. Hoc enim Innocentius Papa, hujus nominis Tertius fatetur, sic inquit: „Credimus igitur, quod formam verborum, sicut in canone reperitur, & Christo Apostoli, & ab ipsis eorum acceperint successores. Hæc Innocentius & habent hæc verba in volumine decretalium, titulo de celebratione Missarum, cap. Cum Marthæ. Certissima igitur via, & validissimum argumentum ad convincendum aliquam propositionem esse hæreticam, est Ecclesiæ universalis consensus: ita ut illa propositio dicatur hæretica, quæ est contra universalem Ecclesiæ consensum: quamvis nullum sit scripturæ testimonium, quo possit talis propositio convinci. Unde Sapiens in proverbiiis, ait: (Prover. 6.) Ne dimittas legem matris tue. Hæc tertia via ad convincendas hæreses, designata est in Concilio Tridentino, sub Paulo Tertio celebrato, quod in sessione tertia declaravit, veritatem fidei contineri, partim in libris scriptis, & partim in traditionibus: & postquam recensuit, libros omnes sacræ scripturæ, in quibus veritas fidei continetur, hæc quæ sequuntur, ait: Si quis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata Latina additione habentur, pro sacris & canonicis non susceperit, & traditiones prædictas sciens, & prudens contempserit, Anathema sit.

Quarta via est, judicium Sedis Apostolicæ: quoniam hæc circa illa, quæ fidem spectant, errare non potest. Sed circa hoc admonere decevi lectorem, quid per nomen Sedis Apostolicæ intelligere debeat: quoniam hoc nomine, non ipsa sola Papæ persona intelligitur: quoniam illa errare potest, ut homo, male sentiendo, & male opinando: sicut de multis Summis Pontificibus historicæ referunt illos errasse. Nam (ut de cæteris taceam) Honorius primus, damnatus est in sexta synodo, eo quod Monothelitarum hæresi faveret. Nomen Sedis Apostolicæ significat ipsum summum Pontificem, non ut facit aliquod, tamquam privata persona: sed ut facit ea, quæ ad cathedram spectant, non ex suo tantum consilio procedens: sed ex consilio bonorum virorum, & doctorum. Hoc modo capitur nomen Sedis Apostolicæ, quoniamque in decretis, aut alibi legitur, Apostolicam

Se-

Sedem non posse errare in fide. Unde Agatho Papa, ait: A veatur. Cum igitur hoc privilegio Deus Apostolicam sedem donavit, ut errare illa non possit, consequens est, ut iis, quæ ab illa maturo examine præhabito in rebus fidei definita, & iudicata sunt, omnes credere teneantur: & si quid contra illa pertinaciter afferatur, hæreticum sit necessario judicandum. Unde Beatus Hieronymus Damaso Papæ scribens ait: „Hæc est fides, Papa, Beatissime, quam in Catholica didicimus Ecclesia, quamque semper tenuimus, in qua si minus perire, aut parum caute forte aliquid postum est, à te emendari cupimus, qui Petri, & sedem, & fidem tenes.“ Si autem hæc nostra confessio Apostolatus tui judicio comprobatur, quicumque me inculpare voluerit, se imperitum, & malevolum, vel non etiam Catholicum, sed hæreticum comprobabit. „ Hæc Hieronymus. Per hæc via convincimus hæc propositiones esse hæreticas:

Confessio sacramentalis est solum de jure humano.

Animæ iustorum in gratia decedentium, non vident clare essentiam divinam ante diem judicii.

Hæc duæ propositiones, tamquam hæreticas, Catholica rejicit Ecclesia: illarum tamen error non tam facile aliunde possit evidenter demonstrari, sicut ex Romanorum Pontificum determinationibus. Nam primam damnavit Sixtus quartus, cujus decretum ego inserui in eo opere, quod adversus omnes hæreses edidi: titulo de Confessione. Secundam damnavit Benedictus decimus & illius decretum postum est in eodem opere, titulo Beatitudinis, hæresi sexta.

Quinta via, per quam possumus convincere assertionem aliquam esse hæreticam, est omnium Sacrorum Doctorum, quæ de re illa scripserunt contra illam propositionem, & concurs sententia. Nam id, quod contra omnium talium sententiam assertum fuerit, hæreticum esse constabit. Et hoc aperte docet Athanasius in illa sua magnifica oratione contra idola, sic inquit. Sententia enim à majoribus confirmata, irrefutabilem habet auctoritatem fidei. Hæc ille. Si tamen unum tantum, aut alteri Sacro Doctõri contraxerit aliqua propositio, non proinde talis propositio censenda est hæretica: quoniam talium hominum scriptra, quantumlibet illi sint Sancti, & Docti, non sunt velut Oracula divina, recipienda: quia non constat illa à Deo processisse: sed ab homine, qui falli potuit. Nihil autem obstat, ut eum, qui falli potuit, falsum fuisse dicamus. Neque etiam est æquum, aut rationi consentaneum: ut ei, qui & falli, & fallere potest, qualis est quisquis purus homo, sub gehennæ comminatione credere teneamur: quoniam hac ratione evenire oporteret, ut sæpissime falsa pro veris, & vera pro falsis recipere teneremur: quod nefas est dicere. Verum & si singulorum sanctorum scripta non sint sic pro lege tenenda: ut impium sit ab illis discedere: omnium tamen Sacrorum Doctorum de rebus fidei concurs sententia, cui nunquam ab Ecclesia, aut ab illis viris Catholicis impune contradicendum est, pro vera Ecclesiæ definitione tenenda erit. Nam (ut Beatus Paulus ait: Eph. 4.) ad hoc nobis dedit Deus, quosdam Apostolos, alios Prophetas, alios Doctores: ut jam non simus parvuli fluctuantes, & circumferamur omni vento in nequitia hominum, in astutia, ad circumventionem erroris. Si ergo ad hoc dati sunt, ut non erremus, non est possibile, ut omnes simul erraverint, qui, ut nos non erraremus, missi sunt.

Præterea sacræ litteræ ad veteres Doctores nos mittunt: ut ab illis doceamur, quo fit, ut eadem lege nos illis credere teneamur. Frustra siquidem ad illos accedere juberent: nisi illorum doctrinam suscipere teneremur. Sic

Tom. II.

Enim